

那文毅公奏議

那文毅公總統陝西軍務奏議卷四目錄

卷四

上海市歷史文獻圖書館藏

卡狼寨之捷

附恭謝

天恩

覆奏籌畫大局

分水嶺之捷

附恭謝

天恩

火地溝之捷

鄖西之捷

附糾彈

敘績保薦

奉

召旋京覆命

那文毅公總統陝西軍務奏議卷四

男容安恭輯

卡狼寨之捷

附恭謝

天恩

嘉慶五年三月十七日

奏爲追賊至卡狼寨地方痛勦賊衆殲擒賊日多名事

竊<sup>臣</sup>前與經畧額勒登保分路截賊緣由業經奏

蒙

聖鑒在案高馬二姓賊匪連被官兵截勦直向南竄<sup>臣</sup>帶

兵緊躡由宕昌南峪寨前進沿途擒獲賊匪蔣廷

忠等五十七名逐加訊問據供賊匪因官兵追急

僞先鋒王進連在南峪寨地方自縊身死僞元帥  
賈正謨掌旗賊目劉世龍在南峪寨投河淹斃此  
股賊匪尙有四千餘人總要向大山老林中逃竄  
使官兵不能追趕等語臣查南峪寨以南多係番  
地大山綿亘賊由黑色坪拘子山奔竄此路最爲  
險峻亦最徑捷他處無路繞截若再紆道前往賊  
蹤已遠勢難追及隨督官兵晝夜兼程前進於三  
月十四日至拘子山上下一百三十餘里深林密  
箐不見天日冰凌滿山積雪初融泥深四五尺步  
步陡滑自寅至亥始過此山鍋帳俱未趕到十五

日至中寨乘有月色挑出奮勇官兵連夜進發十六日寅刻至文縣河邊探得賊已躡淺過河圍攻卡狼寨土堡甚爲危急詳訊該處地勢河北係登樓山與卡狼寨隔河相對河南爲郭家山高礮臨河卽係寨堡賊佔高處我兵難以徑渡慶成先派遊擊崔恒德都司李國棟率領兵丁攜帶鎗礮預至登樓山頂樹林內隱藏俟兵丁渡水時從山上向南岸轟擊使賊匪不能撲近河邊以便我兵共濟臣隨飭令總管欽巴圖協領青山叅將蕭福祿帶領馬隊先於上遊渡河札克塔爾桑吉斯塔爾

綸布春慶成等督率步兵鄉勇於下遊分渡俟至高砌下會齊再行併力撲卡賊匪知馬隊渡過步隊解衣涉水甫經半渡遂分數股撲來崔恒德李國棟在登樓山頂望見卽至半山排列隊伍開放鎗礮連環不斷賊匪稍却步隊全行登岸與馬隊一齊衝出雖衣履沾濕而人人奮勇競進所向無前賊匪復由寨後撤上郭家山西首山梁乘高下壓另分一股在草地溝石峽內埋伏我兵亦分三路桑吉斯塔爾綸布春帶領遊擊張明德都司楊正明千總馬福全鄉勇萬彪等山西首跟蹤上攻

慶成帶領遊擊王延年都司失廷舉守備郭洪鄉  
勇周天章張起鰲等由東首口梁迎頭上攻札克  
塔爾帶領都司孫維賢吳亨行鄉勇李金銘齊慎  
等由中路上攻並截住石峽內埋伏之賊其時山  
上賊匪搖旗壓下我兵屹然不動俟賊匪逼近擊  
死持旗賊曰多人桑吉斯塔爾綸布春等催兵搶  
上將賊匪逼過東首山梁慶成等督率將弁兵丁  
橫衝賊隊截爲數股札克塔爾復由中路追殺三  
路併力鎗箭如雨有鎗內裝入鉛子二枚一發斃  
二人者賊匪登時奔潰竄入石峽希冀埋伏之賊

掩襲追兵詎知石峽險窄上下俱有官軍前追後截賊匪不得衝出短兵相接攪殺一處頃刻間屍橫遍地且因賊隊騾馬與婦女幼孩等擁擠不開自相踐踏死者無算騾馬器械包裹拋棄滿溝此次共殺賊一千三百餘名割認首級有首逆馬五之子馬狗兒副元帥李旺簡正文楊開貴三名賊目傅老大王王衝唐老五三名生擒賊目朱坤傅屠川倫二名活賊鍾應華等五百七十二名所有割取首級及拏獲活賊令鍾應華等逐一辨識除大賊口外多係老教子手其在前奔竄之賊於石



崖無路處所攀援競止追逼緊急從崖上滾落跌斃者又有二百餘名逃散難民復有千餘奪獲刀矛器械一千餘件騾馬無數卡須寨堡內居民見官兵大勝文武生員來至粟鄉約耆民周達元等數千人在道傍跪迎據稱堡內烟戶本多加以各村避難男婦共有一萬餘人今早賊匪來攻鄉民並無守禦之具且勢將攻陷幸得大兵趕到殲除賊衆闔寨生靈方得保全並因官兵遠來以小米煮粥送至軍營察看感激情詞極爲真切臣已面加撫慰酌賞遣回諭令附近居民俱各歸莊安業

至滾山奔竄之賊研訊活賊供稱此股屢經痛剿所剩襄陽老教戰手多半被殺僅存數十人矛手亦祇數百人並婦女及裹脅者不及一千已屬十分窮蹙臣查此股敗匪由卡狼寨南竄前係大山老林無兵攔截即可折回川境聞總兵百祥現在龍安境內帶兵駐守該鎮打仗勇往熟悉地利堪以就近迎剿如賊已從無兵地方繞過即可將分布卡兵集爲勦賊之用且德楞泰魁倫帶領大兵俱在川省新調廣東廣西官兵及土兵派赴川省者亦陸續可到以目下大局情形而論陝甘尤關

緊要

臣

前與額勒登保再三商酌詳細奏明自己

仰蒙

聖鑒茲探得階州秦州及棧道一帶賊股肆竄地方寬廣  
僅有額勒登保一路之兵可恃不敷分擊臣若專  
勦此股置陝甘他股於不問是此敗殘賊衆牽綴  
一路官兵恐陝甘不能早就肅清轉於大局無所  
裨益現在一路兵力勢難再分已一面札飭百祥  
帶兵就近截勦並飛咨德楞泰魁倫相機酌辦臣  
惟有與額勒登保同心協力速奏蕩平卽帶勝兵  
同赴川省以期迅殄賊氛仰紓

宸厪再都司銜守備楊正明帶領貴州兵向來出衆勇往  
此次打仗在前衝壓殺死真正教匪尤多因單騎  
出隊追賊三被矛傷陣亡該員素得兵心陣亡後  
所帶兵丁無不流涕似此出力之員不可多得臣  
實深爲憫惜可否逾格

施恩加等

賜卹之處伏候

聖裁其餘陣亡兵勇不過數名查明照例咨部辦理謹  
奏

嘉慶五年四月初二日軍機大臣字寄奉

上諭那彥成奏追賊至卡狼寨地方痛剿賊衆殲擒賊目  
一摺那彥成追剿高二馬五等一股賊匪自前此奏報  
後半月有餘正深盼望那彥成前在京時曾奏明軍營  
尋常打仗不復敷衍具奏必得勝仗方好奏報今據奏  
情形將圍攻卡狼寨賊匪派兵設伏分路進擊殺賊一  
千三百餘名並將馬狗兒等殲斃自屬勝仗將士亦覺  
奮勉但那彥成如果將此股賊匪剿淨肅清一路朕必  
加之恩賞今並未剿盡仍任殘及千名之賊匪由卡狼  
寨南竄又必蔓延那彥成實難辭咎惟念伊此次帶兵  
翻山衝冒冰雪兵丁涉水衣履沾濕不避艱險並將幾

被攻陷之卡狼寨保護無虞寨內烟戶萬餘人俱得生  
全猶加嘉獎此時卽僅將那彥成予以罰俸處分朕亦  
不忍出諸口其功過尙足相抵就目下勦辦大局而論  
自以陝省爲重那彥成應仍遵照前奏由甘而陝與額  
勒登保併力擊勦以期速奏蕩平方爲正辦但高馬二  
姓擊敗餘匪僅交總兵百祥在被截勦恐不能兼顧且  
現在川西賊匪又有搶渡潼河者德楞泰現有彼處應  
辦緊要之賊豈能顧及龍安竄匪卽令百祥果能攔截  
難保不又竄回甘省倘百祥堵禦不力竟至越過龍安  
又添川省一股竄匪並恐裹脅人衆復至蔓延現已降

旨令廣厚在邊境一帶扼要堵剿其竄至龍安之賊俟  
德楞泰等奏到百祥如何堵禦情形再爲指示那彥成  
務須與額勒登保同心協力將此股搜剿淨盡不得復  
留餘孽視若遲而轉速若得一勝仗又舍此顧彼徒勞  
跋涉何時始能集事著將此旨轉告經畧及領兵各員  
知悉朕因盼望軍營捷報宵旰靡寧幾於廢食俱廢近  
有自述詩一首著錄寄那彥成閱看足見朕之焦思那  
彥成豈能漠然不動於中耶至所奏都司衛守備楊正  
明單騎追賊被矛陣亡殊爲可惜著卽加等照都司銜  
咨部卹

恭錄

聖製盼信詩

寸衷盼佳信三省盡稽遲  
賊恃遁逃技兵逢暑雨時  
民灾莫能救師老最虞疲

考願尙難畢仰空更益悲

嘉慶五年四月初三日奉

上諭阿迪斯係大學士公阿桂之子上年經朕加恩補授  
成都將軍自應倍加感奮力圖報効伊素有足疾如果  
自揣不能稱職卽當面奏更換乃彼時並無一言懇辭  
到任以後額勒登保等祇令其駐劄大寧防堵自係知



其帶兵勦賊不能得力從此阿迪斯在大寧株守迄今  
半載有餘並未移動前此川北賊匪搶渡嘉陵江擾及  
川西完善地方阿迪斯係本省將軍竟視如膜外既不  
帶兵速往又不據實奏聞經朕節次嚴飭自知獲罪已  
重並接到魁倫令伊勦辦川北賊匪知會心懷恒怯始  
行具摺以冬間腿病復發爲詞懇請斥革以遂其避賊  
之計試思阿迪斯若非心存戀棧何不於上年冬間卽  
將腿疾奏出而必遲至今日乎顯係有意諉卸喪良昧  
心本日復據奏稱伊駐劄大寧並無專防賊匪因患足  
疾不能帶兵勦賊在重慶候旨更不成話阿迪斯旣玩

悞於前又復捏病避賊不料阿桂竟有此不肖之子大傷伊顏面此而不加嚴辦則滿洲勲舊後裔豈不相率效尤阿迪斯著革職拏問交與勒保按律嚴審定擬具奏候朕再降諭旨其成都將軍員缺已著德楞泰補授所有阿迪斯長子三等侍衛兼頭等輕車都尉那彥瞻次子候補中書那彥柱三子那彥福四子六品廕生那彥堪本應革職發往伊犁從前阿桂在雲南軍營獲罪阿迪斯兄弟卽曾發遣伊寧不記憶但念阿桂屢著功勲久任綸扉恪勤供職不忍將伊子孫多人均令遣戍且那彥成現在軍營出力今那彥瞻等卽係那彥成嫡

堂兄弟因此格外加恩免其發遣俱著革職在家閒住其阿迪斯承襲公爵及那彥瞻所襲薩車都尉世職俱係阿桂所得並著該旗於年終照例辦理

嘉慶五年四月十一日

奏爲敬陳感懼下忱事昨經額勒登保恭錄

諭旨一道移送前來知臣伯父阿迪斯奉

旨革職拏問聞

命之下實深惶悚伏思臣祖孫父子兄弟渥受

聖恩臣伯父阿迪斯仰蒙

簡任用爲成都將軍當此用兵之際輒以腿疾

奏請解任冒瀆

聖聰負罪實深臣跪誦

諭旨五中愧懼跼蹐靡安臣係阿迪斯之姪惟當奮勉

賊冀爲臣伯父稍贖愆尤再臣准部咨四月初三

日奉

上諭阿迪斯長子那彥瞻次子那彥柱三子那彥福四子  
那彥堪本應革職發往伊犁但念阿桂屢著功勳久任  
綸扉恪勤供職不忍將伊孫多人均令遣戍且那彥成  
現在軍營出力今那彥瞻等係那彥成嫡堂兄弟因此  
格外加恩免其發遣俱著革職在家閒住欽此伏念臣

家世受

國恩至優極渥阿迪斯身獲重罪那彥瞻等本應發往伊犁仰蒙

聖主恩慈

垂念

臣

祖阿桂曾著勲勞不忍悉行遣戍且因

臣

現在軍

營帶兵那彥瞻等係

臣

嫡堂兄弟

特加原宥免其發遣凡此

推恩赦罪實非夢想所敢期

臣

跪誦

恩綸感激涕零尤深悚惕謹

奏

嘉慶五年四月十九日軍機大臣字寄奉

上諭那彥成奏聞知阿迪斯拏問自陳感懼一摺阿迪斯  
既經獲罪所襲公爵業已退出那彥成或以將來襲爵  
時那彥瞻既不應承襲那彥寶位分自不及那彥成伊  
必坐襲公爵不係乎勦賊立功與否若存此卑鄙之見  
卽是無福承受朕恩那彥成如果爲國宣力著有勛勞  
另膺爵賞豈不更爲榮顯且功名自有定數不可稍存  
硃  
覬覦之念惟當以勦賊爲亟耳勉之慎之至福寧向額  
勒登保呈遞之件前已據托津奏到降旨令德楞泰勒  
保查辦矣

恭錄

聖製詩

經畧額勒登保奏報殲斃首逆龐洪勝痛勦匪衆千  
餘名又巡撫台布奏報在鳳縣堵禦各情形詩以紀  
事

賊之長技恃挺走南山依險遁逃蔽折回商維復西奔出

沒七十二峪口

前據總督長麟奏報南山北面共有七十二峪口

經畧雄師沿路

搜兩甄直壓紅炭溝逆匪欲遁遁無路千餘邪孽皆殲囚

據額勒登保奏報追勦伍金柱大股匪衆於五月十二日  
執獲賊探訊出賊衆已奔銅錢害屯紮大兵分路抄赴石  
子嘴紅炭溝等處隨路擊斃四百餘人賊匪經數路兜圍  
翻山亂竄官兵復併力趕殺十餘里斃賊一千餘名生擒

五百五十 一名口 龐姓首逆係新附自舍田廬趨死路哀矜勿喜

養仁心憫彼癡愚遭劫數

嚴訊獲賊楊六燕等據供此股賊匪係伍金柱龐洪勝為首

洪勝湖廣人三月進營與伍金柱合夥衆人聽他號令所

爭龐有兒卽是其子又龐有兒供龐洪勝在洵陽縣西岔

河居住家屬共二十七口前後被官兵打死失散隨認出

龐洪勝並老教頭王者子各首級屬實龐洪勝本有家業

棄產附賊自取破亡 前竄邪匪抵黑河幸有兵勇齊揮戈

豈其數應遭劫耶 勦堵併力志聯絡何難一鼓除么膺

據台布奏報戴家營楊開甲賊衆分竄黑

河及洋縣地方經各將領緊躡追至並有新獲詳察各要

隘分路截勦堵遏不令闖入棧道及西面之嶽縣兩當南

面之界陽沔縣亦合機宜連日大兵屢獲勝仗并力勦辦

聲勢連絡事機大順不難掃蕩餘邪敬感 慈佑禱

祝彌

五年征討未歲事寸衷夙夜增惶愧敬籲

上天赦黔黎庶繼我



考愛民志

嘉慶五年閏四月初十日

奏爲瀝情陳奏事

臣欽奉

上諭據那彥成奏聞知阿迪斯拏問自陳感懼一招阿迪  
斯旣經獲罪所襲公爵那彥瞻旣不應承襲那彥寶位  
分自不及那彥成伊必須坐襲公爵不係乎剿賊立功  
與否若存此卑鄙之見卽是無福承受朕恩那彥成如  
果爲國宣力著有勲勞另膺爵賞豈不更爲榮顯功名  
自有定數不可稍存覬覦之見惟當以剿賊爲急勉之  
慎之欽此查額勒登保遵

旨抄錄傳知三月

上諭一道聞有阿迪斯革職拏問一節

臣

奉到後卽將感

懼情形具奏

臣

備員樞禁卽如在京面承此

旨本應立卽碰頭認罪今在軍營聞之自當於奏事報便

附陳若明知胞伯獲罪竟無一語提及問心實屬

不安

臣

拜摺時原未妄存覬覦亦未思及有嫌可

避耿耿此心可以上對

聖主竊念

臣

仰蒙

聖恩拔擢成全時時勉以公忠大義凡在京在外節奉

訓諭時刻未敢去心今聞胞伯身獲重罪並不畏懼

天威繫念家運輒以阿迪斯革職拏問爲幸妄思襲爵臣

如此居心不肖何以自立於人世且臣年齒甚輕

果能稍有成就自必身受

渥恩若惟知私利是圖自虧心術臣雖至愚極陋亦不肯

如此卑鄙上負

教訓成全之意臣素性愚拙尙知廉恥

聖明在上臣亦不敢哢哢置辯伏乞

皇上原情詳察全臣爲人顏面感激

聖慈實無紀極謹

奏奉

殊批知道了

覆奏籌畫大局

嘉慶五年四月十一日軍機大臣字寄奉

上諭前據那彥成奏將甘境大股賊匪痛加剿殺帶兵由  
甘入陝與額勒登保會剿陝境賊匪距今已踰旬日未  
據續有奏報本日據魁倫勒保奏川北境內有鮮大川  
一股竄至儀隴地方又有龍紹周唐大信兩股竄入太  
平縣境又有湯姓一股竄入大竹縣境此數股賊內鮮  
大川一股本與苟文明在陝省安康境內滋擾現復由  
巴州竄至儀隴其龍紹周唐大信兩股係由陝西茨蓬  
溝竄入太平縣境是川北賊匪股數尙多半係由陝

西竄入計此時額勒登保那彥成俱在陝境勦賊中隔老林或係得有勝仗將賊匪逼入川境或竟係老林藏匿之賊潛由小路竄出而額勒登保那彥成因有老林間隔全不得信俱未可定川北地方現無大員堵勦或該處原設堡寨有被賊匪攻破以至紛紛四竄勦辦益難不可不急爲勦捕前曾有旨令德楞泰專辦川西之賊魁倫防守潼河勒保專辦川北之賊各路俱有大員督辦詎料魁倫防守不嚴川西賊匪竄過潼河已將伊革職拏問合勒保暫署川督與德楞泰分勦潼河以東之賊今據魁倫勒保奏賊匪被勦緊急仍由太和鎮竄

回潼河以東現係勒保在彼督辦而德楞泰尙在潼河以東勦辦分股竄匪均不能到潼河北額勒登保那彥成一係經畧一係叅贊川陝賊匪皆應合籌會勦如陝省現在得有勝仗此時川北各股卽係陝省竄敗之賊自應乘勝跟蹤追勦前經屢降諭旨無論何處賊匪均應在本處勦淨今賊匪旣由陝竄出伊等已難辭咎若將賊匪趕出陝境卽置之不顧則獲罪更重矣若賊匪係由老林潛竄額勒登保那彥成尙未得信於奉此旨後應公同商酌額勒登保係總統督辦之員仍留在陝境督勦那彥成卽酌帶兵力前赴川北勦辦儀隴太平

大竹等股賊匪庶川北陝西皆有大員督辦可期迅速  
集事若伊二人必須在陝合勦亦當於鎮將大員中選  
擇一二員派領帶兵速赴川北以資勦辦再川陝老林  
爲賊匪遁逃之藪向來賊匪一入老林官兵卽不復追  
趕自昨歲那彥成督兵赴陝後親身帶兵深入老林追  
逐數月殺賊不及一二百名惟據奏稱該處山徑險滑  
樹木深密以至力不能施展又任賊匪竄出迄無功效  
今奏賊匪竄至甘境平地那彥成始能大加勦殺連獲  
勝仗可見賊匪旣入老林官兵長技卽無所施此時老  
林內竄聚之賊諒必不少額勒登保那彥成更當熟籌



妥辦總須將賊匪由老林竄出路徑先行派兵嚴密堵截一面分派鄉勇前入老林將賊匪轟出俟其覓路奔竄大兵卽奮力截擊方可收以逸待勞之效不可又如昨冬將官兵悉行帶入老林跋涉險峻徒勞無益也

嘉慶五年四月十一日會同經畧大臣額公勒登保

奏爲遵

旨通盤籌畫實在情形剴切敷陳事竊<sub>臣</sub>等欽奉三月十

三日

諭旨額勒登保身爲經畧陝甘川楚皆伊統轄陝境將領

皆應在經畧大營聽候調派何僅以防守地方爲詞竟不向有賊處分勦如有虛言推卸不聽調者卽傳旨鎖拏解京正法勦賊之事如醫之治病若不及早改治病患日深元氣日耗卽欲大施攻補均已無及茲特再行申諭額勒登保那彥成等將陝甘勦賊之事通盤籌畫各股賊數若干兵力共有若干必須如何布置何時始能辦竣爲一舉成功之計辦賊無過兵餉二端此時調兵爲數不少若再添兵遠省則緩不濟急自不如多募鄉勇以資協助若需多添餉項此亦無可吝惜與其遷延時日而費多不若併力一舉而費省今年節氣雖遲

然勦賊喫緊之時亦惟在四月閏四月之內著額勒登保那彥成等接奉此旨自定限期若再不能同心併力自踐其言老師糜餉罪與邪教等朕必執法從事若自揣不能勝此重任竟無把握亦不妨據實陳奏欽此

臣

等跪誦之下仰見我

皇上廬念軍務

宵旰焦勞

訓諭諄詳務求良策

臣

等身爲經畧叅贊不能早平賊匪

爲

聖主分憂愧懼交深難安夙夜何敢以他詞藉口有意稽

延惟是勦賊易而平賊難從前辦賊者未經通籌  
全局僅係逐股辦去寸寸節節爲之此股勢衰他  
股復熾及移師往勦他股敗殘餘匪旋又勾結增  
多故五載以來未嘗不擒戮渠魁未嘗不痛殲賊  
衆而顧此失彼迄未悉數蕩平况軍營將領兵丁  
原難一律並非有一將皆能帶兵有一兵皆能殺  
賊亦非非得有數次勝仗即可尅日成功臣等再  
四商酌若不定勦賊之局似難定滅賊之期以目  
下情形而論非特更令以前不能竣事且恐爲患  
蔓延更屬無從措手伏讀

諭旨以勦賊譬之治病實爲切喻此等竄匪爲患雖非危急之症然輾轉流毒耗散元氣受病不覺日深必須察視病源施治方能有效此時病源總在賊能多分股數而我兵力單暫分仍合賊能到處竄逃而我兵不敷調派不能處處邀截欲制分竄之賊惟有分路添兵最爲要著茲蒙

訓諭以辦賊在兵餉二端多費亦所不惜並

諭令將陝省將領調派分勦仰見我

皇上睿謨廣運

至聖至明實深欽佩悅服臣等曉夜籌思本欲酌定辦法

奏請添兵又以身當重任近於推諉畏難再四躊躇尙未瀆陳

天聽今蒙

聖訓如此明切敢不盡心籌畫據實奏明上副

垂詢諄殷至意竊維辦理賊匪無過剿堵兩法而二者之

中剿賊尤爲緊要卽如陝西現有賊匪如王廷詔

楊開甲辛聰辛斗張添倫戴掌櫃伍金桂黃三輔

趙世泰張世龍劉添成曾姓龐國勝冉學勝等或

合爲數股或分爲十數股到處皆可滋擾並無得

力重兵攔截追剿核計陝甘兩省征兵及他省調

至者爲數原有二萬餘名此內陣亡病故及患病  
遣回者已屬不少又有奔走疲乏患病留養及怯  
懦無用之山西等處兵丁徒糜糧餉並無實濟所  
存打仗之兵現惟臣額勒登保所帶兵四千一百  
餘名臣那彥成所帶兵四千七百餘名屢得勝仗  
士氣較爲振奮此因臣等親身督率秉公懲勸所  
致然臣等兩人才力心思豈能算無遺策竇仰賴  
聖主恩慈倚任呼應較靈將士皆肯用命若他路將領並  
無得力重兵出色將弁嚴催勦賊每致踈虞失利  
督催稍緩又不能痛勦至新募之兵未經訓練尤

不足恃今祇有臣等兩路之兵剿辦多股之賊日  
事奔馳徒疲兵力而無兵追剿各股仍可往來游  
奕黨與又復增添若募鄉勇協助未嫻紀律所得  
口食轉較兵餉爲多自不如仍調得力官兵將疲  
乏怯懦之兵撤回使一兵得一兵之用方不致虛  
糜糧餉查前調廣東廣西兵五千名早經豫備仍  
懇

聖恩飭派前來廣東陸路兵丁較多並懇於原調五千名  
外再調兵八千名速令一併來陝剿賊所有派調  
新兵如蒙



俞允侯調到軍營時與舊有之兵派出三路分剿每路約  
撥兵四五千名令恒瑞楊遇春慶成分帶此三人  
熟悉軍務奮勉向前均可獨領一路臣等仍就近  
督催稽查稍有怠玩卽行嚴叅治罪如此布置陝  
省有五路重兵每路之中又可時分時合賊蹤所  
至總有官兵截剿不能再逞牽綴詭計大局辦定  
自可次第成功臣等仰蒙

聖主天恩畀以經畧叅贊之任日深惴惴晷刻難安自揣  
才力智能實不能膺此重寄今旣身在行間卽屬  
責無旁貸盡此心力辦去冀於軍務有絲毫之益

謹就愚庸之見冒昧直陳恭請

訓示目下添調之兵未到

臣

等惟有儘現在兵力認真進

剿斷不敢因有此奏稍有怠緩縷縷愚忱自荷

聖明洞鑒謹

奏

嘉慶五年四月十九日軍機大臣字寄奉

上諭額勒登保那彥成覆奏通盤籌畫情形並稱陝西現有賊匪如王廷詔楊開甲等或合爲數股或分爲十數股到處皆可滋擾等語祇將賊匪姓名羅列而於某賊在某處滋擾之處及賊數大約現有若干並未逐一聲

敘至所請廣東陸路兵丁較多懇於原調五千名外再調八千名速令一併來陝一節前經降旨令額勒登保添調黔兵三千名旋據覆奏以陝省賊股雖多若那彥成帶兵回陝卽足敷用無庸添派黔兵今那彥成已與額勒登保會合何以輒欲於廣東廣西備調兵五千名外又欲添廣西兵至八千名之多豈不與前奏大相矛盾且額勒登保前奏祇帶兵一千六百餘名今又稱有四千餘名前後種種不符可見此次添兵奏摺必係那彥成之意額勒登保不過附和其說何茫無定見若此况粵東相距遙遠添調多兵必須兩三月方能到陝豈

殊

能容汝等如此貽誤

此兩三月中伊等竟在彼坐待雖摺內有不肯等候新兵之語但亦不過虛詞搪塞據稱不但夏令不能竣事恐賊勢蔓延無從措手等語顯係欲遷延過夏始行辦賊此則斷斷不能粵東之兵緩不濟急山西本有備調之兵伊等以爲無用但聞大同一帶之兵頗爲趨健又有甘涼一帶兵力素爲強勁著額勒登保那彥成飛咨長麟速調甘涼兵二千名來陝協剿伊等得此生力多兵儘可奮力截剿計彼時川北及川西零星賊匪俱當剿盡德楞泰又可率領勝兵一同至陝剿辦較之額勒登保那彥成現請添調兵數轉多且又得力豈不事半

功倍乎總之閏四月以前必須將陝境一律廓清斷不可萌延至秋間之想現在德楞泰帶兵赴川屢獲勝仗將潼河東西兩岸之賊悉數肅清現又趕赴川北剿辦餘匪實爲出力額勒登保那彥成聞之寧不自愧勵且朕於德楞泰屢欲厚加恩賞因伊二人尙無克捷好音若將德楞泰驟行加恩恐於伊二人顏面有礙故爾遲遲是朕於德楞泰尙未酬庸深以爲歉卽係爲伊二人稍留地步額勒登保那彥成不可不知朕委曲成就之恩感激奮興速圖勦賊若再不知愧勉朕亦不能顧伊二人顏面轉將德楞泰之賞抑而不行也

嘉慶五年四月十一日會同經畧大臣額勒登保

奏爲會商勦辦陝中賊匪情形事竊

臣

額勒登保昨由

茅坪一帶追勦賊匪於本月初十日行抵洋縣之

水田坪

臣

那彥成自甘赴省取道畧陽漢中一帶

亦於本日來至水田坪會晤查陝中各股竄匪節

據探報總在五郿鎮安石泉漢陰等處深山老林

出沒滋擾

臣

等公同商酌

臣

額勒登保督兵自西

抄至五郿鎮安之東北進勦

臣

那彥成自西由石

泉漢陰至東南進勦恒瑞現在帶兵一路在商州

鎮安等處並卽知會由東面由西面來三路併力  
遇賊卽勦但查賊匪勦潰三竄挺而走險亦難保  
其不致逸出我兵儘力追趕一經無竄卽或設法  
兜截究恐緩不濟急此時所最可慮者在東竄豫  
省凡豫陝交界之處臣額勒登保先經飛咨吳熊  
光速派兵勇擇要堵禦想該撫接信後自必嚴防  
應請

旨勅下該撫督率將領兵勇等加意偵探務以扼絕賊竄  
豫境爲要至從前賊匪自川竄陝自陝竄甘多因  
棧中要害之處未能嚴備所致現在甘省業已無

賊如南棧之鐵索關新集等處不惟可以杜陝省折竄之賊且可使川匪不能竄出今擬派提督王文雄總兵札勒杭阿在彼堵截北棧之留壩江口方柴關等處要隘甚多今擬派總兵索費英阿長春汪啟等在彼分段堵截再各省徵調官兵無非爲剿賊之用況陝甘二省更可無分彼此必須合兩省兵力分段布置方能聲勢聯絡而各該鎮將於分段後果能協力同心於賊未至之前互相偵探賊將至之際交相截擊以堵爲剿定無疎虞且賊蹤無定亦不可株守一隅又查該提鎮等所帶



官兵雖屬防堵而隨時紮營立卡與賊相逼實與  
征兵無異所有鹽糧及應用之軍火等項仍須一  
律運供毋致缺乏該提鎮等庶可盡力辦理將來  
何處疎失卽遵

旨解京治以重罪亦無可藉口

臣

等已將此各情節詳晰

札致長麟並飭各提鎮均聽長麟調度官兵不  
敷前經長麟奏明召募新兵自己妥爲趕辦  
臣等  
刻在陝境似此勦堵兼施當可期於得手又近接  
德楞泰來信於賊匪竄過潼河後帶兵趕勦將逆  
賊雷四旺等殲斃餘衆斬獲甚多勒保並帶領黔

兵數千前往合剿川西地方庶不致再有滋蔓謹  
奏

嘉慶五年四月十二日軍機大臣字寄奉

上諭陝境各股賊匪現尙不致鴟張但昨據魁倫等奏由  
陝竄入川北各股賊匪甚多而鄭西地方亦據倭什布  
等奏有賊匪闖入自因陝境之賊被剿緊急其在南山  
屯聚者就近竄往川北而洵陽鎮安一帶賊匪就近竄  
往鄭西並未見額勒登保那彥成在陝西境內剿淨一  
股伊等節次具奏軍營打仗及殺賊數目自俱係實情  
斷不致以無爲有以少報多但額勒登保那彥成在甘

省時斬獲雖多而額勒登保剿敗之賊仍由畧陽逃至  
陝境那彥成剿敗餘匪亦由白水江闖入龍安皆不能  
全股辦竣竟如未曾接仗以致東奔西竄迄無了期此  
等教匪俱係內地奸民非如外域可比但征討外域我  
兵殺伊一人伊部落卽少一人若賊匪到處裹脅原無  
一定數目如官兵今日殺賊百人賊匪逃往他處明日  
裹脅百人或千人俱未可定而我兵祇有此數遇有傷  
亡員弁卽少一人是賊匪雖日殺而不見少我兵卽日  
增而不見多何時始能竣事耶自剿辦賊匪以來已及  
五年朕親政復籌辦軍務亦一載有餘而賊匪尙未辦

竣試思我

皇考平定新疆拓地二萬餘里然用兵不過五年遂將從古未入版圖之地悉行戡定至今寧謐朕之運籌謀畧實遠不逮

皇考時深兢惕至從前大臣克奏膚功榮膺爵賞人才輩出今額勒登保那彥成均係滿洲大臣辦此內地亂民豈不思迅速成功甘讓前人專美獨不愧於心乎倘因循玩愒日復一日必至罷斥治罪更復成何事體現在防堵之事已責成各督撫認真辦理額勒登保那彥成一係經畧一係叅贊務當通盤籌畫胸有把握豫料賊

匪欲竄何處或先期派兵埋伏或親身前往迎截使賊  
匪不能出其範圍庶可以次殄滅若算計皆落賊後僅  
以跟蹤追剿爲事則賊匪輾轉奔逃焉能制其死命況  
各省境壤毗連在地方文武已不能稍存畛域之見若  
經畧叅贊則數省軍務皆應妥籌全局悉心布置豈有  
將賊匪驅遂由此至彼卽云辦賊若在陝言陝則竟成  
陝省之經畧叅贊矣前因川北地方空虛無人辦賊已  
降旨令那彥成在彼剿捕此時陝省賊勢就衰那彥成  
竟當遵照前旨酌帶官兵速赴川北其陝境之賊專交  
額勒登保督辦彼此熟商或剿或堵務須籌畫萬全總

期閏四月以前一律辦竣毋得再有遲延致干咎戾

嘉慶五年四月十九日軍機大臣字寄奉

上諭那彥成自本月初一日奏到在卡狼寨打仗情形後

已及兩旬未經續有奏報朕心刻深盼望日夜焦切今

日額勒登保與那彥成聯銜報到之摺朕以為必係在

得勝情形

陝西興漢一帶打仗殺賊及加披閱祇係額勒登保那

朕二十餘年所盼望者又成虛矣

彥成在洋縣會合商辦分剿陝省賊匪並未與賊接仗

況伊二人

所稱會商勦辦額勒登保督兵自西抄至五郎鎮安之

東北那彥成亦自西由石泉漢陰至東南進剿恒瑞在

商州鎮安等處由東面向西而來三路併力剿賊此時

硃

陝省所患

最可慮者賊匪東竄豫省先經飛咨吳熊光加意偵探  
堵扼竄匪等語所辦荒謬之至陝省賊匪惟恐闖入豫  
境額勒登保那彥成當以截住東面爲目前第一要路  
乃經畧叅贊均由西面進剿轉驅賊匪向東奔竄而東  
面僅有恒瑞國霖二人在彼豈能遏賊全力衝突勢必  
闖入豫境額勒登保那彥成之意業經咨明吳熊光在  
豫省邊界防堵猶恐吳熊光防堵不力請降旨嚴諭該  
撫多派兵勇實力堵禦是二人亦知東面不足深恃無  
諭賊匪由豫省北趨密邇直隸卽以賊匪滋擾之處而  
論豫省兩年以來賊踪不至茲逼令北趨使豫省復遭

蹂躪該處係平原繁富之區賊匪得以肆行搶掠裹脅  
自必日多試思賊匪竄入甘省地瘠民貧之區尙致搶  
掠騾馬裹脅多人勦辦三月方能驅出若竄至豫境辦  
理豈不更爲棘手耶陝省賊匪伊等原應在陝省辦竣  
卽或豫籌賊匪去路必不得已亦當逼往川北及甘境  
地方額勒登保那彥成何不一面咨會德楞泰在川北  
邊界防堵一面咨會長麟在甘境堵禦以防賊匪被勦  
緊急或竄至該處豈有將官兵全力自西而東轉令豫  
省著重將堵賊之事全交吳熊光轉不令陝省督撫在  
本境堵勦倘賊匪一入河南勢必益加散漫伊二人併

硃

非臣等所擬奏稿也

是



力令賊北趨是誠何心豈竟欲朕親統八旗勁旅始將  
教匪勦淨彼時卽將東面帶兵之恒瑞國霖及守土之  
吳熊光並額勒登保那彥成等俱立置重典於事有何  
裨益耶額勒登保那彥成俱著傳旨嚴行申飭現在陝  
省竄匪股數甚多川西賊匪業經德楞額保痛加勦  
殺餘匪仍折回川北已令德楞泰到彼勦辦那彥成竟  
不必前往川北此時惟當速圖攻討與額勒登保彼此  
熟商於伊二人內分一人速赴東面與恒瑞國霖等扼  
住賊匪竄豫之路如賊匪被勦情急竄往川北甘省尙  
可令伊二人立功自贖如竟令竄近豫省不但恒瑞吳

熊光難辭重咎必將額勒登保那彥成一併拏問治罪  
另派大員接辦或朕親征其時伊二人卽欲自効行間  
亦無及矣

嘉慶五年閏四月十四日軍機大臣字寄奉

上諭額勒登保奏帶兵追截賊匪情形一摺據稱官兵在  
分水嶺地方隨勦隨進追殺八十餘里斃賊二百七十  
餘名且自三更發兵行走一百五十餘里攀援直上踰  
越溝嶺並因天晚力乏暫於魯家岩露處等語閱其所  
奏官兵似此備極勞苦將領等亦不避艱險實爲可憫  
但辦理總不得要領徒勞何益卽如此次追勦賊匪官

兵由朱溝梁一帶進發遇賊前竄西北之路而賊匪又折向分水嶺迨往老林雖經官兵躡蹤追殺但訊據獲犯有賊匪張世龍等商量如官兵追緊轉向監田再入老林之供迨額勒登保等於初四日追至華陽始出老林又因糧米不能接濟暫行駐劄敗殘餘匪復向茅坪一帶奔逃而五郎一帶尙有別股賊匪並有合夥竄入深山之勢是額勒登保雖竭力勦辦而賊仍得依恃老林任意出沒額勒登保係屬經畧由甘入陝爲軍中第一大帥其追擊之賊僅係一股殘敗匪徒動爲牽掣如此勞苦不能立就殲除其各股著名賊匪又將如何辦

硃

各無抄單

無名之

理陝省南山一帶雖老林最爲深阻易於藏匿但亦必有出入路徑堵賊之法不外杜其竄入竄出二端如果能扼住要隘設法堵禦或將道路挖斷或擇要派令團勇嚴防賊匪烏能出入自如假如遇賊匪竄入老林官兵自不可在老林外閒駐與賊相持卽當妥爲布置堵其出路或另派兵勇將賊匪轟出賊匪在內無可掠食亦必向外奔竄卽可乘機追擊倘賊匪業已竄出老林卽當堵其入路不使復行竄往官兵乘其竄至平地之時四面兜截亦可痛加剿殺總應使賊匪旣入不得復出旣出不得復入庶可收搏擊之效乃各路帶兵大員

每於賊匪竄至平地則以散漫難辦爲言而於深山密  
菁則又稱險峻逼窄難以施展似此動形窒礙藉口因  
循又安得有旣不散漫復不險窄處所待伊等從容辦  
賊耶至該處老林內容有賊匪若干雖不能得其確數  
其大概賊股數目自不難約畧而計著額勒登保接奉  
此旨後將老林內賊匪竄出若干現存約有若干通行  
嚴計籌辦至所稱堵者自堵勦者自勦堵者務須逐層  
圍逼等語實爲最要其防堵事宜已節經降旨責成該  
督撫等實力防範如接奉此旨後老林內已無藏匿之  
賊卽當嚴飭各路兵勇於要隘處所截其再入老林之

路若賊仍在老林內奔竄亦嚴飭兵勇截其竄出之路如有防範不力者著卽據實嚴叅治罪照川省疎縱賊匪竄過嘉陵江潼河之例辦理軍令務在嚴明額勒登保前此辦理一切不無過寬卽如吉蘭泰前在白水江一帶防堵任聽楊開甲股匪由虞關闌入甘境其罪甚重額勒登保僅請將吉蘭泰拔去花翎仍留遊擊銜休致回旗試思官員勒令休致祇爲尋常無事地方官員年老多病而於公務並無貽悞自可予以休致俾得頂戴榮身若疎縱賊匪玩視軍務亦照常請令休致則軍營人員無所做畏豈能用命此卽額勒登保辦理姑息

之一端嗣後當以爲戒如有防堵不力之員或令賊匪由老林竄出平地或任賊匪由平地竄入老林俱當查明此股賊匪係由何路踈縱卽將該一路疎防之員一面奏聞一面卽行鎖拏定擬具奏再此次勦辦教匪已閱四年之久從前帶兵大員因循觀望並不與賊打仗固無足論卽如德楞泰明亮等從前奏報打仗殺賊亦係賊至方與接仗從未先向有賊處所截剿又虛報首級捏開賊數而所殺者又係附從裹脅之人以致蔓延日久此實軍營歷來通弊自朕親政後力加整飭帶兵官員等皆知認真打仗而殺賊數目亦不致如前虛報

邀功但年餘以來節次具奏所殺賊數或數千至數百名不等是賊勢早當殘蹙而各股竄匪仍在往來奔突  
勦辦迄無成效朕細思其故總緣賊匪長技在於到處  
裹脅擇其精壯平日安居飽食者迫之隨行所掠騾馬  
亦係民人自行喂飼休息膳壯者官兵則往來追勦人  
疲馬乏勞逸相殊賊匪隨處可以掠食不必攜帶口糧  
一遇敗逃挺而走險當此炎熱之時卽赤身露體皆可  
乘間竄逸其奔走自爲輕捷而官兵則執持軍械攜帶  
火藥等物已屬累重且軍行餉隨必須糧運接濟方可  
充腹間遇軍糧到遲卽須停待以之躡蹤追擊自常處



於不及之勢似此彼逸我勞返客爲主處處總落賊後  
焉能得力雖近來各路軍營屢有斬獲每次奏到後朕  
卽加之獎賞但伊等與賊接仗惟稱痛加殲戮總未能  
勦淨一股廓清一路竟如未曾接仗此等賊匪俱係內  
地奸民非外域可比從前我

皇考平定新疆大小金川及廓爾喀每次奏捷官兵殺賊  
一人其部落卽少一人若教匪於勦敗後仍任到處迫  
脅則官兵今日殺賊百人而賊匪明日或又裹脅數十  
人及千人賊數仍屬有增無減是所殺之賊徒有其名  
殊

而朕之獎賞亦成虛賞卽官軍死事者賊匪何日得平

陣亡二名卽少二名是賊日

自計多兵漸減少仍如三年以前總未動辦情景

豈可不亟思改圖變計耶剿賊之法全在聲勢連絡豫  
爲布置使賊無從奔逸然後合力攻剿始能迅速集事  
若惟事東馳西逐跟蹤追擊則官兵甫向前追及而賊  
又已遠去豈能一鼓成擒現在如德楞泰與勒保同在  
川西彼此信息不通何由併力協剿此卽聲勢不相聯  
絡之明驗今特再行明白宣諭此時總當謀定而戰轉  
不必因飭催緊急專事跟追殺賊數百人卽奏報一次  
以圖敷衍塞責惟當酌度機宜通盤籌畫剿辦一股賊  
匪先應確探賊情熟籌形勢將賊匪可以奔竄之處豫  
行派兵設法堵截互爲聲援斷其去路然後大兵近逼

悉力奮擊使賊所到之處皆有官兵攔擋辦此一股卽將此一股悉數殲除勿留餘孽庶可以次殄平額勒登保久厯戎行操守清廉懋著公忠那彥成係軍機大臣自到軍營已逾半載於勦賊情形亦應熟悉且居心公正清漢文皆所通曉伊二人一任經畧一任叅贊勦賊事宜皆其專責尤當悉心籌畫胸有成竹轉不妨詳慎再四卽停待數日布置周妥再行決戰似稍遲緩而辦此一股卽將此一股勦淨機宜轉爲捷速總須處處圖佔先著不落賊人之後則可豫操勝勢昨有旨令那彥成前赴川北與額勒登保雖分兩地但必將堵勦大局

卷四  
三  
彼此會籌聯爲一氣我兵以全力辦賊而賊匪無由奔  
逸復行裹脅賊勢自必日減而大功可期速竣矣

嘉慶五年四月十八日軍機大臣字寄奉

上諭前據那彥成奏追賊至卡狼寨地方痛剿賊衆殲擒  
賊匪多名餘匪由卡狼寨南竄前係大山老林無多攔  
截卽可折入川境總兵百祥現在龍安境內帶兵駐守  
堪以就近截殺彼時朕披閱之下甚不愜意惟因那彥  
成帶領將弁等翻山衝冒雨雪甚屬勞瘁且能殺賊多  
名並救出被圍堡內男婦萬餘人若復加之責備未免  
過於求全朕心實不忍是以未加懲誡然亦不予獎賞

茲據德楞泰等奏稱派防龍安鎮兵百祥等稟報自甘境竄入南坪之賊初三日已過象鼻關在平武縣屬葉棠堡一帶焚掠番衆驚逃薛土官不知下落初六日有賊一二千名在水晶堡躡水過河直上黑水溝一帶焚掠竄逸並另有一股賊衆由文縣竄入南坪勿各寨屯聚各等情此股賊匪闖入川境邊界擾害地方皆由那彥成追賊至卡狼寨時不將餘匪剿盡以致高二馬五等賊擾及川境除川境防堵各員另行查辦外那彥成從前辦理不善之咎實所難辭自當示以薄懲所有那彥成前在隴州龍山一帶打仗殺賊交部議敘軍功加

一級紀錄二次之處著改爲尋常加一級其紀錄二次  
一併註銷嗣後那彥成於勦辦賊匪務須將現辦一股  
勦除淨盡不使餘匪逸至他處復有蔓延此爲最要

分水嶺之捷

附恭謝

天恩

嘉慶五年四月二十日

奏爲分水嶺截勦伍金柱大股賊匪首逆受傷擊斃賊

日劉元帥恭摺奏

聞事竊

臣

前與經畧額勒登保相晤當將分路截勦緣由

會摺具

奏在案

臣

由石泉漢陰境內迅速趨行聞伍金柱曾柳

大股賊匪與自甘竄來之楊開甲南山新起之龐

國勝等合爲一股在洵陽山陽鎮安交界各處滋

擾勢甚鴟張隨取捷徑由恒口翻山前進過黑虎

廟古木嶺紫汗嶺梅子嶺等處山高路險多有牽  
馬步行之處每日行走總在百里以外二十日至  
表德舖探明大股賊匪在分水嶺一帶屯聚是日  
又有一小股賊匪竄來合夥分水嶺爲鎮安要路  
距營七十里臣卽於二十七日酌留兵丁看守營  
盤挑選奮勇兵丁三鼓進發黎明行抵黃龍舖遇  
賊探馬數十人迎頭截殺緊趕前進適遇賊匪迎  
來我兵直前奮擊追殺二十餘里殺賊三十餘名  
及抵分水嶺復有大隊賊匪據險排列預備拒敵  
該處南而北面大山環抱連接支嶺二重均高十



餘里地勢極爲險峻賊匪佔據三面山梁夥黨甚衆復分鎗手矛手四股迎至半山臣將所帶兵勇亦分四路令札克塔爾綸布春桑吉斯塔爾慶成帶領臣別帶一隊在一小包上堵住抄截之路接應各兵賊匪恃其人衆火器較多開放連環拚命下撲山上賊匪滾落巨石吶喊助勢綸布春桑吉斯塔爾兩路由右手進攻搶上支嶺衝壓三次鎗箭齊發殺賊三百餘名札克塔爾慶成兩路由左手進攻山尤險仄賊匪甫將鄉勇壓下甘涼固原兵丁衝冒鎗石爭先競上攬殺一處賊匪見我兵

勇猛撤退里許又復衝壓往來數次札克塔爾從  
嶺旁斜坡衝上慶成急帶王延年等數人搶住山  
梁我兵一齊競進賊匪抵敵不住遂將左手支嶺  
奪據殺賊四百餘名維時四路官兵雖已攻得支  
嶺而大梁上三面賊匪尙在我兵之外復抄下一  
股餘匪欲截兵之後見臣所帶官兵先已有備堵  
住來路遂卽奔回官兵與賊力戰良久自卯至酉  
賊始全行敗退分作三股奔竄官兵追過大山時  
已酉末探聞賊匪大夥竄向西南遂帶官兵回營  
探明賊蹤卽就近赴西南進剿此次共殺賊七百

餘名奪獲大礮二尊投出難民男婦三百二十名  
口俱經釋放其臨陣生擒賊匪十四名內有杜相  
係掌旗賊目李自金久在賊中深知賊情訊據供  
稱此股係伍金柱等大股還有伍懷志曾姓分管  
衆賊劉元帥總在前面打仗自搶渡漢江至南山  
擄人甚多近在鎮安破了幾處巖洞又有洵陽同  
教龐國勝等帶二千餘人投入賊營楊開甲等一  
股及南山舊有一小股俱已合夥總要向河南湖  
廣奔竄因山陽有兵堵截要想從鎮安縣城繞道  
東竄今被官兵勦敗自必折回等語正在訊問又

有續行投出難民徐延福一名據供我在鎮安黃龍舖住家四月十九日被賊裹去燒火做飯二十一日官兵打敗賊匪後是夜聽見賊棚內衆人嘆說自過漢江從未喫此大虧此次折傷數百人伍元帥受傷甚重又無醫生六元帥亦被礮打死我因賊看守稍鬆連夜逃出等語質之杜相李自金供亦相符惟稱賊目有劉元帥並非排行第六因各處口音不同所以稱呼不一餘無要供當將杜相李自金及生擒賊匪俱卽正法伏查伍金桂曾柳一股最爲狡猾黨與約二萬餘人在南山內東

南一帶滋擾日久焚掠甚慘民間耕種失時田畝  
多已荒蕪山西本多習教之人又兼乏食如龐國  
勝之新起附賊者實繁有徒現在已被我兵截剿  
並據難民活賊供明首逆得受重傷賊目劉元帥  
業經礮斃但賊黨尙衆仍須併力痛剿必須先將  
此股撲滅方不致日久蔓延額勒登保現在鎮安  
以東勦賊相距尙不甚遠臣擬與會合籌辦務期  
合力勦淨此股於大局更有裨益謹

奏

嘉慶五年四月二十三日軍機大臣字寄奉

上諭本日據國霖奏南路大股賊匪約萬餘人已竄至鎮安之王蟒山又一股數萬人竄至該縣之亂石窖又有小股千餘人竄至東路之黃龍舖等語是賊匪大勢均向東竄額勒登保那彥成前次奏報之摺必係聞有賊匪東趨信息始帶兵自西赴東面進剿自知已落賊後故一面飛咨豫省防堵一面奏請諭令吳熊光上緊堵截預爲站脚地步其辦理遲緩之咎欲蓋彌彰茲賊匪大股悉數東趨至鎮安商州一帶國霖帶兵不過千餘豈能遏其奔竄之路恒瑞本係在鎮安一帶堵剿何以未見與賊接仗此時究在何處卽著額勒登保等查明

據寶具奏至額勒登保那彥成到陝後並未與賊接仗  
一次又不能妥爲安置以致賊勢日漸東趨伊等屢云  
賊在老林今如此肆行奔逸尙得云仍在老林乎若再  
不設法繞至賊前悉力堵截豈竟欲縱令賊匪竄過豫  
省耶伊等旣已遲緩於前應急思補救於後此時伊等  
若能在陝境辦竣賊匪固屬甚善否或將大股之賊截  
向西南或奔赴川北或逼至甘省尙可容伊等勦賊自  
贖亦不治伊等調度失宜之罪若竟聽賊匪竄入豫境  
則伊二人之罪斷難輕恕較魁倫尤重矣凜之凜之現  
已降旨於直隸調兵二千名山東調兵一千名並將前

次山西備調之大同鎮兵二千名令其迅速前赴豫省  
交吳熊光帶領嚴防東面額勒登保那彥成總當就現  
有兵數繞赴賊前奮力堵截堅持定見不可心忙意亂  
轉致毫無把握如賊匪離豫漸遠伊等所帶之兵不敷  
勦辦則現赴豫省之五千兵尚可調赴軍營應用若此  
時西路再行添兵勢必更將賊匪逼向東面豫省更爲  
著重所有新調之直隸山東山西兵丁目下總以防堵  
豫省爲急不能分給額勒登保等應用也

嘉慶五年四月二十九日軍機大臣字寄

上諭那彥成奏截勦伍金柱大股情形一摺覽奏俱悉已



於摺批示前次額勒登保知陝省東面緊要帶兵趕赴  
鎮安一帶兜剿此次那彥成探聞伍金柱等大股之賊  
在洵陽山陽鎮安交界各處滋擾亦知陝境東面甚關  
緊要卽統兵由捷徑趕往督率綸布春慶成等奮勇進  
攻奪據支嶺賊匪敗退分作三股奔逃復經官兵追至  
大山共殺賊七百餘名大夥賊匪竄向西南所辦俱好  
但西南係屬何處地方摺內未據聲敘現在那彥成探  
明賊蹤卽就近赴西南進剿務須乘勝直前設法抄圍  
裹截速將此股賊匪上緊剿除斷不可令其東竄豫省  
亦不可逼令入楚境現在長麟台布在西南兩面扼住

賊匪去路額勒登保由東北緊躡賊蹤前有攔截後有  
追兵賊自無從他逸可望一鼓殲除至陝省賊匪奔竄  
地方及現在何股賊匪係何人勦辦陝境州縣與楚豫  
二省州縣交界地方相距若干里著額勒登保等按照  
方向繪一簡明地圖附報進呈以備查閱再恒瑞前據  
截勦伍金柱等大股賊匪恐其奔竄商維卽帶兵由山  
陽一帶抄截今那彥成所奏亦係伍金柱一股何以未  
見恒瑞帶兵夾擊又國霖前奏在商州軍嶺地方將賊  
匪截回本日吳熊光奏稱賊匪竄入商州國霖等不能  
攔住或係國霖前奏不實或又係一股賊匪竄至國霖

未能截回均著額勒登保查明具奏再賊匪每遇官兵打仗總令裹脅難民在前其精銳在後官兵直前勦殺多係裹脅之民而賊匪轉得乘空奔逃未得痛加殲戮其故皆由於此必須將裹脅之人先行解散方能專注賊匪精銳併力進勦嗣後領兵大員臨陣殺賊時多備大小布旗上書奉旨投出者免死字樣或於陣前豎立或令兵丁分執高聲宣諭俾難民等知有生路自必相率來歸不致爲賊匪代搜鋒鏑至賊前徒手之人自係裹脅難民原可立時收撫即使本係賊匪而臨陣棄械者亦准投出若持械抗拒官兵卽實係裹脅難民無從

區別亦當痛加勦殺如此設法辦理亦解散賊黨之一策額勒登保那彥成等當遵照妥辦行之以資

嘉慶五年四月二十四日

命革去花翎奉

上諭長麟等奏移兵江口分段防堵情形種種錯謬甚不明晰陝省各股賊匪分投奔竄自當以嚴防東面爲重豈有引賊入室之理前日因額勒登保那彥成均由西面帶兵進剿勢必將賊匪逼向東趨而東面僅有恒瑞國霖豈能遏賊去路恐致擗入豫境節經降旨飭諭令長麟等知賊匪日漸東竄在鎮安洵陽一帶滋擾卽以

爲賊氛漸遠殊不思賊匪擾及鎮安洵陽去陝漸遠而距豫漸近若統兵重臣及身任封圻者惟以驅賊出境爲事將陝境之賊盡行逼至河南豫省亦不行堵截逼往河北任其竄入直境而直省復從後追逐縱令賊匪直向北趨豈竟欲朕親統八旗勁旅就近親征乎且閔長麟等所進圖樣於西南兩面層層設卡安兵分段布置堵其後路而東北兩路如何堵禦之處絕不算及則無論賊匪本欲竄往河南正可乘虛突入卽賊匪並非專意東趨而西南兩面見有官兵層層駐守卽欲退回其勢亦有所不能額勒登保等四人經朕委以勦賊重

任似此茫無布置惟知跟蹤追勦勢必逼向河南自不能不先予以薄懲額勒登保那彥成長麟台布所得花翎俱著革去並各嚴行申飭此時惟當亟圖改計速行設法抄赴賊前卽一時不能勦淨或將賊匪仍逼回甘省及川北一帶亦仍可立功自贖額勒登保等務須悉心布置堅持定見不可心忙意亂轉致辦理愈無把握至台布所奏築堡出力人員請加鼓勵此時棧內賊蹤已遠所重者惟在合力勦賊不使東竄其築砌寨堡並非目前要務何必輒將承辦之員懇請開復陞用所奏且不准行統俟大功告竣再行覈辦等語

嘉慶五年四月二十五日軍機大臣字寄奉

上諭鎮安一帶竄匪經額勒登保督率官兵殲斃三百餘名生擒姚學賢等十三名訊據獲犯供稱此股竄匪欲由鎮安前往商州並至河南轉到湖北等語陝省東面與豫境毗連最關緊要額勒登保那彥成自應通盤籌畫早爲布置俾賊匪不致東竄乃伊等俱帶兵自西而東併力追逼致賊匪日漸東趨始知豫省邊防緊要已屬遲緩焉有兵勇如許之多任聽各股敗殘餘匪肆行奔突又不知緩急輕重仍前尾追額勒登保現已親自督兵前往山陽勦辦那彥成帶兵由漢陰而來自必探

蹤前進如能緊顧東面不令竄入豫省邊界尙是伊等造化此時自應彼此關會繞至賊前奮力截剿如能將大股賊匪由東殲向西路去豫漸遠朕卽當加恩賞還伊二人花翎若竟能在陝省境內將各股竄匪盡數殄滅並當另加世職重賞伊二人再不併力抄擊竟任賊匪竄往河南是旣經踈蹤於前又不能補救於後則伊二人之罪較魁倫尤重矣再此時陝省分竄之賊俱已轟出南山老林則當防其復行竄入額勒登保那彥成務當督飭各路領兵將弁卽於平衍地方奮力勦盡並責成長麟台布等將賊匪可竄老林之路逐一查明設



法預行挖斷蹊徑或各派鄉勇嚴密防堵勿令賊匪被  
剿緊急又復竄回老林致剿捕有稽時日遊擊祿德打  
仗受傷著准其回至直隸原營調治如因傷病故卽咨  
部照陣亡例賜卹

嘉慶五年閏四月初六日

賞還花翎奉

上諭額勒登保奏連日督兵在商雒一帶痛剿賊衆餘匪  
俱遁奔西南離豫已遠一摺覽奏欣慰感謝

天恩不盡前因額勒登保兼程馳至商雒截剿楊開甲等  
股賊匪知以東面爲重並探知戴家營張添倫等股賊

匪竄至雒南地方卽飛飭楊遇春等星馳趕擊在兩岔河口地方奮勇截勦殺賊四百餘名生擒男婦七百五十六名口復於老毛溝一帶追及賊匪殲殺多名餘匪俱由米陽河等處往西南逃遁距河南邊境已遠所辦深爲可嘉額勒登保著交部議敘並賞還花翎仍賞給金盒四喜玉搬指鑲寶石玉火鐮鑲寶石玉搬指套大小荷包以示優獎至於痛殲賊匪固由額勒登保調度得宜而提督楊遇春督率官兵從山梁下壓並於河邊直前奮擊打仗最爲出力著加恩給予雲騎尉世職仍賞給四喜王搬指琉璃銅盒搬指套大小荷包副都統

銜格布舍於賊匪迎拒時計馬隊中必有頭目卽與叅將楊芳躍馬衝入發箭連斃賊匪格布舍被矛桿打中膀背墮馬復戰均屬出力格布舍著加恩給予恩騎尉世職並賞堪達罕搬指套大小荷包楊芳著賞給畢什古巴圖魯名號照例賞銀一百兩並賞戴花翎仍著額勒登保查明如楊芳已賞花翎並曾給巴圖魯名號卽行奏明另降恩旨三等侍衛傳陞於格布舍墮馬時在旁放鎗將用矛賊匪打斃格布舍得無損傷復連放鎗疊斃馬上賊匪騎馬之賊卽行潰散深爲可嘉著超陞頭等侍衛仍賞給呼嵩額巴圖魯名號照例賞銀一百

兩用示鼓勵其餘打仗奮勇之前鋒校碩登保吉林甲  
兵額勒登額鄉勇趙文超等仍著額勒登保查明應如  
何加恩擢賞之處俟奏到日再行分別加恩此外尙有  
帶兵奮勇出力人員摺內未經聲敘者俱著一併查奏  
候朕酌加恩獎至那彥成長麟台布三人與額勒登保  
同係辦賊之人前因賊匪竄近豫省額勒登保未能豫  
爲調度而伊三人亦不能辭咎是以一併革去花翎今  
額勒登保旣將賊匪截回業經賞戴花翎那彥成長麟  
台布亦俱著加恩賞還花翎可見伊等一人有功卽四  
人同邀恩獎務宜齊心併力速將賊匪剿淨其膺懋賞

若彼此各存意見互相推諉致任賊匪往來奔竄辦理  
遲延亦當同受重罰也現據額勒登保審訊獲犯所供  
張添倫與戴四掌櫃彼此吵鬧分路逃竄情形看來賊  
情已經渙散正可乘機趕辦額勒登保等尤當勉強加  
勉相機併擊以期一鼓撲滅此時賊匪離豫已遠但被  
勦緊急或又思竄入老林亦未可定額勒登保等亦當  
先事籌畫妥爲布置杜其竄入老林之弊於勦捕自更  
得力至國霖前在商州未能攔住楊開甲等股賊匪任  
其竄入雒南並奏稱附近賊匪多至數萬國霖素未經  
歷戎行其人本不足恃但亦應查明國霖在商州時如

果兵力有餘並未與賊打仗輒捏稱賊匪數萬張皇入奏則既畏蕙不前又復捏詞諉卸自應嚴加懲治額勒登保卽當一面叅奏一面將國霖革職鎖拏解京治罪如國霖實因賊多兵少與賊接仗不能攔截尙非有心捏飾亦應據實叅奏現在額勒登保處帶兵得力之人自屬不乏如國霖之庸懦無能留彼無益卽飭令回京候旨其商州一帶仍著額勒登保酌量情形如該處賊氛已遠無須防守自不應令有用兵丁在彼閒駐卽當撤回大營派撥剿賊倘商州尙須官兵駐紮額勒登保應另派勇幹將領前往該處接帶國霖之兵以資堵禦

嘉慶五年閏四月初十日

奏爲節次奉到

諭旨敬陳悚懼情形事竊

臣前奉

諭旨所請調兵來陝一節前經降旨令額勒登保酌調黔兵旋據覆奏毋庸添調此次添兵奏摺必係那彥成之意額勒登保不過附和其說欽此又奉四月二十四日諭旨陝省賊匪大股已悉數擾及鎮安商州一帶那彥成全無聞見惟知跟踪追剿勢將逼向河南自不能不先予薄懲那彥成所帶花翎著革去並嚴行申飭欽此

臣

跪誦之下愧懼悚惶不覺汗流泣下伏念

臣自甘

來陝原係由西向東而探明賊到之處俱係分路抄截堵其東竄之路惟各股賊匪往來奔竄未能一鼓殲擒卽係臣之咎乃蒙

聖主格外矜原祇革去所帶花翎用示薄懲

恩慈高厚頂感難名至通籌大局奏請添兵一摺本係臣

先有此意商之額勒登保意見相同是以合詞具

奏臣受

恩深重又屢次奉

旨詢問將一切情形據實胥味瀆奏語語皆係真情並非藉延時日臣前次回陝時因與額勒登保身當重



任爲平賊大局起見不得不通盤籌畫愚直下忱

自荷

聖慈洞鑒謹

奏奉

硃批覽

火地溝之捷

嘉慶五年閏四月初十日會同經畧大臣額公勒登保

奏爲連日分督官兵追殺賊匪並現籌先在東南一帶

緊勦情形事竊查陝省賊匪臣等屢經勦潰後分

投狂竄趨向無常臣額勒登保督率楊遇春格布

舍穆克登布等於九間房採玉窪黑虎廟等處趕

追戴家營張添倫等股賊匪初六日抵鎮安之野

竹坪地方戴張等逆被勦情急向雲蓋寺一帶西

竄又探得孝義之大山岔有一股賊匪在彼搶劫

糧石並徑趨北面臣額勒登保先令楊遇春等帶兵覓道勦辦此股賊匪又派岱森保安福帶兵從大山岔尾追而進初七日楊遇春等一路於四鼓發兵躡得該匪等向火地溝寡姑橋等處滋擾楊遇春格布舍穆克登布率領馬步官兵等由大瓦溝兩河口抄出午後甫抵寡婦橋迎頭遇賊該匪等一見官兵膽敢嘯聚多人分佔山梁其騎馬持矛之賊直撲官兵頗形兇悍楊遇春等驅兵分上坡坎連環施放鎗箭斃賊多名尙不退却兩山梁之賊一併逼近於林箐中擲石放鎗楊遇春格布

舍密商分撥馬隊兵勇從北面抄至賊後並攜帶  
劈山礮以備轟擊賊匪旋聞後有礮聲立即驚亂  
侍衛們欽保愛星阿彥丕勒桑將湯芳千總范雲  
龍鄉勇馬懷珠等奮力向前衝殺維時岱森保尾  
追趕到其餘馬步官兵亦卽爭先競進窮追三十  
餘里餘賊均於密林陡山扒越向西奔逸共殺賊  
二百五十餘名生擒及搜獲之男婦一百七十四  
名口內訊出臨陣受有箭傷大頭目劉永祥係襄  
陽教首劉啟榮之子大旗手楊永周探馬頭張明  
山等三犯劉永祥傷重已不能言語據楊永周等

供稱此股賊匪係冉學勝張世龍合夥共有四五千  
人當卽凌遲處死將從逆已久之人一併正法  
被脅之附近居民概予省釋此次惟藍翎委官烏  
爾圖那素左腿受鎗傷臣那彥成所勦伍金柱等  
股賊匪前在分水嶺截勦後賊匪由西南竄至王  
蟒山爛泥河一帶往來遊奕該處山險林密道路  
分歧官兵緊扼東北賊復潛由南面折而向東臣  
那彥成若追蹙賊後轉致逼令東趨隨自七楂子  
山紙房溝磨石溝繞出賊前堵住東北赴鎮安要  
路與賊尙隔兩重大山賊匪探知兵來卽不由路

徑乘夜折回翻山亂竄及派兵趕往見陡砌跌斃  
男婦大小約有三百餘人官兵復追獲矛手李連  
升等二十七名其餘賊衆俱由兩河關向東南竄  
逸查兩河關共有三路一路仍可達洵陽境悉賊  
匪狡計欲誘官兵至西復山北路折竄當派札克  
塔爾綸布春桑吉斯塔爾慶成帶兵繞往東南截  
勦臣那彥成卽由鎮安正路扼住東北因臣額勒  
登保行至野竹坪相距較近遂輕騎至額勒登保  
軍營會晤面商一切臣正擬酌量分兵勦辦適接  
恒瑞來信探得楊開甲辛聰賊股從米糧川一帶

竄往鄖西邊界衝撲鄉勇卡隘恒瑞同國霖劉之  
仁已帶兵趕赴大壩小壩上津等處攔剿臣等當  
卽飛行札知務將此股卽行剿洗勿任東竄致入  
楚境柯藩帶有兵勇在山陽堵禦亦已飭知令其  
謹防該匪等由鄖西折竄山陽之路臣等查賊匪  
屢經被剿離豫已遠今又折竄東南恒瑞所領之  
兵尙恐不能兼顧目下冉學勝張世龍戴家營張  
添倫等股之賊均向江口雲蓋寺等處分股西竄  
伍金桂股匪爲數較多且恐現竄東南臣那彥成  
一路之兵以資痛剿臣額勒登保自應一同併力

上緊先辦此股賊匪并自北繞截緊顧東南庶可不致蔓延又慶溥溫承惠因湖北竹谿賊匪竄近平利該鎮等帶領兵勇前往攔剿今慶溥溫承惠前後在貢元和石牛河柳溪山豐口壩等處督率兵勇痛加殲戮共殺賊五六百名擒獲真賊龔思秀等十九名其餘前後投出被裹男婦一千餘名訊出此股係樊人傑王朝賢爲首臣等又已嚴飭該鎮司務將此股賊匪乘勝趕剿淨盡所帶兵勇內有分外出力者亦令查送前來以便酌量獎勵再各路勦洗賊匪打仗弁兵鄉勇內有受傷陣亡



者容另查明咨部辦理又查孝義廳文武衙署卽在大山岔向無城垣前歲曾被焚燒近日築有土城尙有十數丈未經築起該處現有都司周健勇署孝義廳李崗帶有兵勇三百餘名防守此次賊匪猝至該都司等因衆寡不敵未能抵禦以致存貯該處之糧石軍火爲賊焚燒並有陣亡兵丁三名民人亦有被害者周健勇李崗均經退守山梁臣額勒登保業咨明長麟將所燬糧石軍火若干何以旣經築城又不及早辦竣並陣亡兵丁及被害居民一併就近查辦又欽奉

諭旨以新起教匪龐國勝是否龐洪勝一族令卽查明具  
奏查新起教匪投入伍金柱夥內原有二千人自  
在分水嶺截剿後晝夜狂奔日逐逃散者不少臣  
那彥成詢問活賊李連陞等據稱龐國勝卽係龐  
洪勝是洵陽西岔河人素習邪教業經具結改悔  
今年伍金柱賊匪經過西岔河龐國勝率領所傳  
徒弟徒孫二千人投入賊夥如今節次逃散所剩  
不滿千人等語是龐國勝卽是龐洪勝所率賊夥  
俱係習教之人並非佃戶昨拏獲活賊內有逃出  
新起之賊臣那彥成查明將其中老弱無用者釋

放使新起教匪聞知更可易於解散再臣額勒登保統率官兵輾轉勦賊滿漢將領等節次打仗出力者甚多又隨營辦事之文員有由陝省派到者有自川帶來者均能不辭勞瘁亦應量予獎勵謹將各該員分繕清單恭呈

御覽謹

奏

嘉慶五年閏四月十五日軍機大臣字寄奉

上諭額勒登保等奏連日追殺賊匪並籌赴東南一帶勦捕情形一摺覽奏俱悉此次額勒登保一路在大山岔

等處殺賊無多而那彥成追勦伍金柱一股由鎮安扼  
住東北就近與額勒登保會晤商辦均未能痛殲賊衆  
且聲敘賊股分竄情形亦未明晰似此東追西擊何時  
始能藏事朕盼望軍報寢食靡寧往往旬日半月始接  
一奏報又不過敷衍打仗情形並未能勦淨一股肅清  
一處朕心更增焦急况此間相隔軍營數千餘里安能  
懸揣遙度其勦堵事宜不過就伊等所奏情節隨時訓  
示及此旨到彼軍務又已移步換形豈皆一一脗合卽  
據伊等節次所進圖說及道里方向按圖指示亦不若  
伊等親在行間見聞確切應如何通盤籌畫方能藏事

有期會屢次降旨令經畧叅贊督撫等據實敷陳總未見伊等覆奏殊不可解豈伊等竟至一籌莫展乎那彥成前往軍營將及一載於勦捕機宜未能辦理迅速而陝省賊情自所深悉著卽馳驛回京候朕詳細詢問隨宜指示所有欽差大臣關防並著一併帶回那彥成所帶之兵全數交與額勒登保帶領其隨往帶兵之札克塔爾等俱不必回京交額勒登保調派分投勦賊如現在勦捕何路賊匪卽不必撤動那彥成旣已來京額勒登保係屬經畧長麟台布係本省督撫陝省辦賊之事皆伊三人專責必須速行設法籌辦不可再事因循前

此額勒咨保奏請添兵一萬三千名已續調直隸山東  
山西甘肅貴州廣東等處之兵撥往軍營爲數亦已不  
少儘敷餉賊之用

鄖西之捷

附糾彈

嘉慶五年閏四月二十日會同經畧大臣額公勒登保

奏爲楊開甲等股賊匪竄至鄖西邊界恒瑞等帶兵截

殊

勦斬獲多人並

臣

等親率官兵倍道繞扼東竄楚

豫之路該匪等仍西折陝境刻卽趕緊勦辦各緣

由恭摺奏

聞事竊查楊開甲等股賊匪前竄往鄖西邊界恒瑞當卽

帶兵趕赴攔勦

臣

等又因伍金柱賊股爲數較多

恐竄東南並卽

奏明帶兵并力先行勦辦在案旋接恒瑞來信楊開甲

硃

等賊匪攻破鄖西蒿坪壩一天門卡隘我兵若不

覓道抄截恐落賊後恒瑞遂躡有捷徑督兵翻越

重山越抵漫川關賊匪又竄上津相距三十餘里

十五日五鼓令副將李天林遊擊札隆阿都司劉

應魁海進龍並侍衛保邦協領祿成佛爾卿額等

分帶馬步官兵進擊午前與賊相遇該副將等奮

力衝殺斃賊二三百名正在得手之際乃賊匪詭

可恨之至

詐兩面山梁俱有埋伏分爲數路將我兵圍裹適

硃

恒瑞親率遊擊李朝顯等官兵趕到併力撲進斃



賊多名該匪始行敗退直至二鼓紮生營盤此次  
傷亡鄉勇弁兵一百餘名正慮賊匪過多難以痛  
勦而札克塔爾等亦相距不遠臣等一面飛飭札  
克塔爾桑吉斯塔爾慶成等趕抵恒瑞一路合勦  
又恐該匪等乘間東竄深入楚境復繞道豫疆臣  
等並卽帶岱林保楊遇春穆克登布山竹林闕倍  
道趨行直趨趙家川蒿坪河一帶預扼東面路徑  
賊匪果仍折而向西恒瑞札克塔爾等於十三日  
帶兵趕追探報賊匪隔有兩重大山恒瑞札克塔  
爾等當卽詢明抄截之路於十四日四鼓發兵桑

吉斯塔爾慶成帶領兵勇由左路前進札克塔爾  
九十帶領兵勇由右路前進恒瑞同國霖劉之仁  
德忠帶領官兵由中路前進已刻分抵黃鸞舖該  
匪等一見官兵有搶佔山梁排列者有直前抵拒  
者四山嘯聚三路官兵併力攻擊往返衝殺十餘  
次斃賊五百餘名內有鎗斃戴翎頂賊目一名又  
矛刺執旗馬上賊一名據活賊指認戴翎頂者係  
頭目羅貴執旗之賊名葉老八亦係小頭目賊匪  
敗潰後分作四五股逃竄我兵又分投追殺二十  
餘里至麗子關地方沿途斃賊四百餘名前後生

殊

殊

擒一百二十餘名被脅逃出者不計其數將獲賊

逐加訊究據供此股賊匪係楊開甲幸聰張添倫

宋麻子合為一夥楊開甲欲由鄂西衝出楚境再

至河南伍金柱助有戰手二千名亦在其內伍金

柱說亦前來却未見到等語當將真賊即行正法

其餘被裹男婦三十五名口概行釋放所有敗殘

殊

餘匪已向大小壩廟川一路西奔恒瑞等仍即追

勦臣等當即飛行知會恒瑞札克塔爾務即乘勝

趕緊將此股賊匪殲淨萬勿任令東竄為要查陝

之西南鎮安洵陽等處本有賊匪而楊開甲又復

前去臣等自當由東向西併力勦辦但賊股既多  
飄忽無定棧道江口以及宣羌等處均分有提鎮  
帶領兵勇防堵其商維一帶爲入豫必由之路兵  
備尙覺空虛臣等所帶之兵只敷勦賊不能再行  
撥出留駐查前奉

諭旨令就近酌調甘涼兵二千名應用臣等昨已移咨長

麟令其趕緊檄調速赴商維於要隘安設尙恐迂

緩並札商長麟於北棧離賊較遠之處分設各鎮

內抽出一鎮帶領原帶之兵先赴商維俟甘涼兵

到陝再行酌量分撥至鄜西地方該令孔繼梅團

疎

此人爲奸

硃

集鄉勇堵禦前此賊匪屢經到彼均能截擊頗爲

是

得力此次賊匪衝入蒿坪壩卡該令本在漫川關

卽帶領團勇馳往尙在途間賊匪又衝至一天門

卡實緣時屆收割之期不得不將卡內鄉勇抽撥

令其暫行歸農所以卡隘人單猝被衝破茲賊匪

硃

雖已西竄

臣此八可靠

等又劄飭該令仍將各要隘再加收

抬催令收割完竣添足團勇深溝高壘以爲有備

無患至楚省僅有徐添德等股尙在南漳一帶奔

是

逃明亮倭什布等追剿自可克期竣事此時陝省

賊勢較重然川楚兩省無論何省先行完竣將其

本省之兵留防其餘亦可前來會剿臣等惟有隨時盡力趕緊勦辦其恒瑞札克塔爾等所帶兵弁內傷亡各員名容另查明辦理謹

奏奉

硃批覽奏稍慰

嘉慶五年閏四月二十日會同經畧大臣額公勒

登保

奏查總兵在軍營爲領隊大員理宜隨時振作奮勉勦賊以爲將弁等表率詎有陝安鎮總兵柯藩前經身任提督因勦賊不力降爲總兵該員更應加倍

出力以圖自効乃一味因循先在紫陽等處防堵  
卽未能實力截勦賊匪嗣隨恒瑞一路帶兵輒以  
痔漏疾發兩腿疼痛爲詞告留山陽恒瑞卽撥兵  
五百名令其在山陽防守該員卽欲藉病養息亦  
當在山陽左近擇要安營居住一面上緊調治一  
面仍當偵探賊蹤相機截勦乃查楊開甲等股賊  
匪路出山陽有賊探十餘人騎馬直至教場該總  
兵竟在城中施放鎗礮並不督兵出擊以致賊匪  
遠遁如此而不嚴察何以示懲若僅將該員革職  
尙不足以蔽辜應請

旨將陝安鎮總兵柯藩革職卽於軍營枷號俟軍務完竣之日再行釋放俾各路領兵鎮將均知儆惕再查委署叅領德春去冬染患腳氣腫痛不能履步在五郎調治數月漸就痊可本年正月臣那彥成帶兵赴甘該員隨至漢中又復患病因令留於郡城一俟調理稍愈卽跟隨台布剿賊及臣那彥成自甘回陝路過漢中據台布告稱德春病已平復仍令隨營行至洋縣地方腳氣復發至今未痊雖查驗尙非捏病規避但當帶兵需人之際該員病體難痊未便姑容任其戀棧相應請



首將德春勒令休致又查新設盩厔鎮一缺增添營制訓練新兵一切初定章程必須熟諳營務之員方能辦理妥協總兵劉之仁到陝以來甚知奮勉出力而年過六旬精神不甚強壯若責令獨自領兵一路亦恐不能出衆而該員勤慎認真在營年久且節次出師於新設營分操練新兵並將舊辦理善後等事尚堪勝任此時似可無庸請

旨更調至國霖年雖五十餘歲而氣體軟弱實不能久耐辛苦前在商州帶兵祇有一千餘名當楊開甲等股賊匪竄來之時曾經帶兵趕赴軍嶺一帶期於

截擊迨其到時該匪等業經前嶺斬獲係零星落

後之賊國霖仍復隨後尾追

臣

額勒登保帶兵到

商州時國霖猶在留仙坪一帶堵截尙無畏葸情

事其所稱賊匪數萬詢係僅據探報之言未能查

察之故國霖亦非敢於捏飾希圖委卸但帶兵打

仗須強幹之員國霖究屬不能得力若在京當差

辦理尋常旗務尙堪稱職自應令其回京伏候

命下飭知起程謹

奏

容安謹按以上二摺拜發後 先公奉

諭旨回京於是月二十七日自軍營起程覆命

嘉慶五年閏四月二十一日會同經畧大臣額公勒登保

奏爲恭謝

天恩事竊臣欽奉

諭旨那彥成與額勒登保同係勦賊之人前因賊匪竄近豫省額勒登保未能豫爲調度伊亦不能辭咎是以一併革去花翎今額勒登保既將賊匪截回仍賞戴花翎那彥成等亦著加恩賞還花翎欽此聞

命之下感悚無既

臣

與額勒登保自甘至陝分路勦賊前

此賊匪竄近豫境未能預爲調度實有應得之咎

仰蒙

聖慈不加

嚴譴僅革花翎負疚懷慚方深歉仄及額勒登保在商雒

勦賊時

臣

因堵截伍金柱等賊匪未能一同在彼

愧鮮微勞乃荷

恩命

賞復花翎頂感之餘尤深愧悚

臣

惟有欽遵

聖訓與額勒登保齊心併力趕緊勦辦以仰副

皇上一體施恩至意謹

奏奉

硃批知道了

敘績保薦

嘉慶四年十一月初十日會同陝西巡撫台公布

奏爲遵

旨查明出力將弁恭懇

聖恩事竊明亮等前奏殲獲首逆張漢潮李潮一摺欽奉  
諭旨將綸布春等分別

加恩兵丁

賞給錢糧並

命臣那彥成將此外出力將弁查明續奏仰見

皇上鼓勵戎行微勞必錄之意查綸布春一路官兵迎擊

張漢潮匪衆帶兵之

乾清門頭等侍衛桑吉斯塔爾最爲出力且能鼓勵兵

勇懇請

皇上酌量施恩至尋獲張漢潮屍身係遊擊胡定泰帶領

千總李國杰外委吳志得兵丁陳大友張升擒獲

李潮首先上前係兵丁張斌歐朝秀鮑得伏乞

聖恩將胡定泰以應陞之叅將補用李國杰吳志得及兵

丁陳大友等五名均請

賞給外委並

賞戴藍翎其餘打仗殺賊員弁兵丁明亮綸布春開送之

員尚爲公允惟人數稍多不敢悉行奏保臣等大  
加裁減先將尤爲出力者秉公遴選十一員另繕  
清單一併奏請

施恩以示鼓勵其餘再行存記俟續有出力之處再行查  
奏再接准經畧額勒登保咨會陝西軍營武職各  
缺業經

奏明由臣那彥成等酌量奏補是以遵照所奏公同商  
定將直隸遊擊都司等缺循例於軍營出力人員  
內遞請陞補謹一併開繕名單恭候

欽定謹



奏

嘉慶四年十一月十九日奉

上諭那彥成台布查明前次殲獲張漢潮李潮在事出力人員開單具奏乾清門侍衛桑吉斯塔爾最爲出力又能鼓勵將士著加恩賞給副都統銜仍在乾清門行走其尋獲張漢潮屍身之遊擊胡定泰著以叅將陞用千總李國杰外委吳志得兵丁陳大友張升俱賞給藍翎又擒獲李潮首先拾上之兵丁張斌歐朝秀鮑得俱著拔補外委並賞戴藍翎其餘打仗殺賊各員內黑龍江佐領都爾圖著陞補額外總管防禦齊克坦著陞補佐

領雲南叅將傅雲陝西遊擊羅全亮著賞戴花翎廣西  
守備王成傑著賞換花翎黑龍江委官斌德勒圖直隸  
千總郭鎮彪黑龍江甲兵愛通阿鄉勇首已補四川兵  
丁行營千總銜向坤周添章李金銘俱著賞戴藍翎以  
示鼓勵又直隸督標後營遊擊員缺著安慶補授其所  
遺直隸督標沿河口都司員缺著張汝勤補授其所遺  
正定鎮左營守備員缺著酒天培補授直隸宣化鎮赤  
城營都司員缺著巴金保補授其所遺直隸督標易州  
深水汛守備員缺著孔光祖補授

嘉慶四年十二月十三日會同陝西巡撫台公布

奏

等前由大峪口統兵進山一路察看新築堡寨團

練義勇分別曉諭獎勸行抵五郎廳見該處城垣

係屬新建詢知爲前署通判安定縣知縣左觀瀾

捐資創築該令因上年演放礮位被炸身故當經

飭令西安府知府朱勲現署通判張約切實詳查

茲據先後稟報等覆查左觀瀾係以分發知縣

委署五郎通判適值教匪滋事五郎向無城垣難

以守禦該令捐資創建土城嘉慶三年正月五月

賊匪攻撲二次俱經督率鄉勇併力擊退十月內

賊又竄入所屬地方該令以守城必須礮位覓得

舊礮位一尊帶領鄉勇出城操演親自點礮不意礮身炸裂致傷左太陽骨損身故查該故令在五郎三年居官清正深得民心始則捐資築城悉力拒守繼又親圍鄉勇扼要堵擊今被礮炸身故是其心能以殺賊爲事殊堪嘉尚且伊長子因帶領鄉勇打仗亦經陣亡父子均沒於王事情尤可憫

臣等訪查得實不敢壅於上

聞可否將左觀瀾照陣亡例減半給予卹典出自

逾格鴻慈用昭激勸又試用從九品王壬運送兵鞋前赴軍營由老林行走至小王澗地方猝遇賊匪被害

身受矛傷五處甚屬可憫可否照陣亡例議卹之處出自

聖恩謹

奏

謹按嘉慶四年十二月十九日廷寄內奉

上諭遇賊被害之試用從九品王壬著咨部賜卹又演礮傷敵之知縣左觀淵因親自點放礮炸致殞卽與陣亡無異且伊長子亦因帶領鄉勇打仗陣亡殊爲可憫俱著咨部照陣亡例子卹並著那彥成咨明該員原籍查詢左觀淵是否另有子嗣卽行奏明再行加恩照例給

予世職

嘉慶二年三月初八日會同經畧大臣額公勒登  
保

奏爲遵

旨保舉武職出力人員懇請

施恩以昭鼓勵事竊臣那彥成自督兵勦賊以來滿漢武

職官弁人等隨同打仗多有實在出力之人因節

次未能痛殲賊衆不敢遽行保奏昨於龍山嶼汪

家山秀金山等處連次勦殺各股賊匪將領等無

不勇往爭先倍加奮勉臣

那彥成前於摺內聲明

候與額勒登保會同查核昨復欽奉

諭旨令將出力人員查明具奏仰見

皇上垂念戎行有功必錄之至意茲<sub>臣</sub>等於在事出力滿

漢人員內詳加查核有應請分別

施恩者共計三十五員名謹開具清漢名單恭呈

御覽如蒙

聖恩俞允不特該員等感激

鴻慈倍加勇往而<sub>臣</sub>等亦得收指臂之效於軍務實有裨

益謹

奏

嘉慶五年三月十四日奉

上諭據額勒和布保那彥成會奏龍山鎮汪家山秀金山等處連次勦殺各股賊匪將領等無不勇往爭先倍加奮勉請將在事出力人員分別加恩等語所請遊擊李殿元守備屈端守備銜千總馬正雄三員賞換花翎遊擊馬鳴玉守備楊正明二員賞戴花翎千總李建雄把總趙勇外委滕泗張問喜四員賞戴藍翎以示鼓勵



奉

召旋京覆命

嘉慶五年閏四月二十七日

奏爲遵

旨回京恭摺具

奏事竊

臣欽奉

諭旨那彥成前往軍營將及一載於勦捕機宜未能辦理  
迅速而陝省賊情自所深悉著卽馳驛回京候朕詳細  
詢問隨宜指示所有欽差關防並著一併帶回那彥成  
所帶之兵全數交與額勒登保帶領其隨往帶兵之札

克塔爾等俱不必回京交額勒登保調派分股勦賊欽

此跪誦之下仰見

皇上垂厯軍務

宸衷無一刻稍舒

宵旰焦勞至於少寐減膳凡爲臣下者知

聖慮憂煩如此能不動心況臣叨被

渥恩尤非尋常可比當此軍旅重任實不敢稍留餘力無

如限於才質不能速平賊匪爲

聖主分憂戰懼慚惶容身無地捫心清夜幾於不可爲人

茲蒙

聖慈曲賜保全不加

嚴譴

諭旨馳驛回京臣受

恩深重自應告請留於軍營効力惟念

皇上望切甚殷欲

詢察一切確情以便隨宜

指示

臣在陝甘將及一載所有軍務賊情俱所深悉繕摺

敷陳終難詳盡謹遵

旨卽行起程於回京時逐一奏陳

聖聽現在帶兵之札克塔爾等及闔營兵丁全數交與額

勒登保管帶原領

欽差大臣關防

臣

卽帶回恭繳

臣

拜摺後於閏四月二十

七日自軍營起程由山陽商州藍田出山馳驛回

京謹

奏奉

硃批知道了

嘉慶五年閏四月十六日

命退出軍機大臣不必在南書房行走亦不准在

紫禁城騎馬革去

實錄館正總裁

國史館副總裁

文淵閣提舉戶部三庫總管內務府大臣茶膳房造辦處  
總理工程處奉

上諭上年秋間因張漢潮一股賊匪在陝竄擾特派那彥  
成前往督兵勦辦那彥成未至陝營張漢潮先經明亮  
殲斃所餘逆黨祇係擊退之賊無難乘勢殲除乃那彥  
成於賊匪竄入老林後漫無展布惟知帶兵入林跟踪  
尋覓徒疲兵力涉歷三冬並未與賊接仗一次轉任賊  
匪西竄甘境而川省各股賊匪紛紛攔入陝境那彥成  
係特派大臣在陝居首帶兵之人又不能設法攔截聞

額勒登保帶兵赴甘伊亦徑趨甘省惟在龍山截剿得  
仗仍未將餘匪剿盡旋因竄匪折回陝境額勒登保先  
行帶兵赴陝那彥成專辦甘境高二馬五等賊雖得勝  
仗仍未剿殺淨盡任此股賊匪竄入川境僅交與總兵  
百祥接辦伊棄垂敗之賊領兵赴陝致高二馬五一股  
賊匪在龍安地方日漸鴟張至今未能殄滅皆由那彥  
成玩縱所致彼時若那彥成緊躡賊踪前赴川境自可  
將此股賊匪速行殲除卽在川省幫同德楞泰剿賊未  
爲不可乃必欲隨同額勒登保先後入陝自係那彥成  
不幫助德楞泰又欲分額勒登保之功此等淺見薄識

豈大臣所宜居心前次那彥成奏到時朕卽以其所辦  
錯謬傳旨訓示今高二馬五尙在川境竄擾而總兵施  
縉竟因勦賊陣亡以零星殘敗之餘匪聽其人川復行  
裹脅滋擾致令打仗出力勞績最著之施縉臨陣捐軀  
實爲萬分不值而追溯失事之由皆那彥成輕率貽誤  
此而不加之懲治何以服人那彥成著退出軍機大臣  
不必在南書房行走亦不准在紫禁城騎馬伊如此猶  
豫無能亦斷難兼理各處事務所有原充之實錄館正  
總裁國史館副總裁文淵閣提舉戶部三庫總管內務  
府大臣茶膳房造辦處總理工程處均著革去祇留工

月三  
部尙書鑲白旗漢軍都統及經筵講官銜伊所帶花翎  
前於革去後復經賞還仍准戴用此係朕推念阿桂舊  
日勲勞又因阿迪斯現在獲罪已革去所襲公爵成都  
將軍發往伊犁充當苦差若再將那彥成革職治罪則  
阿桂之子孫竟無身任大員者是以姑示薄懲那彥成  
惟當加倍感奮痛改前非勉圖後効以副朕教誨矜全  
至意

嘉慶五年五月十六日奉

上諭上年朕自親政之初辦理和珅等一案彼時那彥成  
本係軍機大臣朕看其應對明白似有出息且係原任



大學士公阿桂之孫期其克繼家聲以備任使是以疊次加恩擢用尙書都統派令管理戶部三庫崇文門稅務及各處事務較他人爲多實欲造就成材並非厚於那彥成也伊於該管部旗及各處事件均非一人獨辦尙未見短每日召見時於朕籌辦軍務宵旰靡寧一切皆其所深悉嗣緣勒保明亮等先後獲罪軍營乏人更換朕以那彥成正當壯年應有志上進况曾目睹

皇考爲軍營焦急直至

龍馭上賓之日未能解釋滿望伊去督辦或能蕝事以慰在天之靈減朕之咎是以派赴陝西軍營授以欽差大臣

關防代明亮統領一帶軍務那彥成亦直任不辭而陞  
辭之前屢次陳奏伊到軍營後不能卽時打仗求免催  
促俟可以打仗時卽不遺餘力奮勇直前等語預爲佔  
脚地步彼時卽覺不愜然業已派令前往亦無忽行中  
輟之理那彥成出京後途間行走已屬遲緩及到陝省  
接勅張漢潮餘股漫無布置惟尾隨賊蹤深入老林遷  
延歲月迄無成效其時大兵俱在山內輾轉跋涉此外  
全無官兵是以川省之賊乘間竄入甘境那彥成如果  
能及早分派官兵於陝西邊界悉力殲勦賊匪自必仍  
折回川而額勒登保卽可無庸赴甘將川省之賊得以

一手督辦不必交付魁倫斷無任聽賊匪竄過嘉陵江  
潼河擾及川西完善地方之事無如那彥成惟知在老  
林盤旋全置他賊於不顧遂至竄甘之賊日久蔓延川  
東川北之賊竄渡川西額勒登保不能兼顧魁倫因是  
獲罪雖經德楞泰在川西疊次勦殺賊匪仍行竄過嘉  
陵江以東荼毒無數生靈費却無限兵力僅能將川西  
疊次之賊截回若溯其失算之由皆那彥成在老林耽  
延所致用人不當朕深引以爲咎當額勒登保督兵赴  
甘時張漢潮餘黨由老林逸出那彥成屢奉嚴旨始帶  
兵往甘省截勦惟龍山得有勝仗殺賊尙多此後額勒

登保追賊入陝那彥成在甘專辦高二馬五一股雖亦有斬獲而餘匪數百人由甘省白水河竄渡闌入川境那彥成並不緊蹙追剿乘其衰敗一鼓掃淨輒將此股賊匪委之總兵百祥徑行帶兵赴額勒登保一路以致馬五高二等竄近龍安復裹脅擾及附近省會地方經額勒登保督同鎮將等屢次堵剿致將奮勇得力之總兵施縉因此陣亡賊匪被官兵勦急仍由松潘番地竄近甘境現在阿哈保等帶兵繞截是否能回川境勦淨此股尙未可知此皆那彥成棄善敗之賊留遺餘孽以致於今也朕因那彥成在軍營不能得力且恐掣他人

之肘是以召令回京以便詢問軍營實在情形其在陝  
耽延之罪縱賊入甘之罪及縱賊入川之罪僅予薄懲  
將軍機大臣及所管各處事務斥退仍留其尙書都統  
各大缺並准戴花翎留經筵講官銜乃係格外加恩朕  
曾面諭在京軍機大臣等方以那彥成接奉召回之旨  
自必懇請仍留軍營卽虛詞敷衍亦必應如此而朕亦  
斷不允所請必令來京乃那彥成得旨召回卽束裝就  
道摺內並無懇留一語到京之時連日召見朕微視其  
意亦總未懇請復行前往是其視軍營爲畏途肺腑如  
見迨朕細詢軍營情形語及添兵則以各省無用之兵

添調何益語及添餉則以如此虛糜餉項殊屬不值至辦賊之道不外堵剿二者那彥成則以官兵追剿賊匪愈遠愈疲勢難剿盡語以防堵機宜伊又以爲兵勇皆疲堵已無益前因楊開甲一股竄至洋縣地方王文雄帶兵截剿其由白河踏渡之賊有把總王培璉赤身損礮洶水轟擊不合過河西竄朕方加之獎許而那彥成則以爲不如聽其竄往川境又戴家營一股賊匪竄至黑河有欲趨徽縣兩當之勢朕卽令楊遇春定桂分兵繞道前往攔截那彥成轉以爲不如縱令入甘地勢較平轉易辦理若果如此則那彥成前在甘境辦賊何以

不行勦淨又任其分竄川省乎那彥成似此措語遊移  
毫無把握已非奏對之體乃昨復召見詢以陝省情形  
據稱皇上洪福自能勦淨賊匪譬如蝗蟲非人力所能  
捕淨況此事總關劫數如果劫數未完卽有健將如札  
克塔爾慶成等帶領精兵亦不得力此何語耶聞之令  
人寒心朕又論及額勒登保現今連次得勝之事那彥  
成復以額勒登保所奏如果不虛再得一二仗卽可將  
陝賊勦淨其意不過因伊甫離軍營額勒登保卽連獲  
勝仗心懷妬忌爲此將信將疑之語欲朕猜疑額勒登  
保阻其成功此等居心豈能逃朕洞鑒試思那彥成於

前月二十七日自軍營起程額勒登保卽於是日督兵  
奮勦張漢潮餘黨之在陝者先行辦竣旋於手板崖續  
得勝仗又將伍金柱一股助惡之首逆龐洪勝殲斃前  
後殺賊幾及五千人豈竟全不可信且詢以川楚軍營  
情形據云全不知悉恐亦不免虛誑等語豈德楞泰將  
川西之賊痛加勦殺截回川東川北亦全係子虛乎那  
彥成游詞熒聽其心實不可問若如伊所云一切堵勦  
俱屬無用兵餉亦不必添惟委之劫數聽賊自斃此乃  
存心膜視蒞手旁觀竟似事不可爲置身局外者那彥  
成身爲大臣又係阿桂之孫受



皇考及朕厚恩至爲優渥何忍爲此搖惑人心之語尙得謂之有天良耶朕召見軍營回京之人原以其身歷行間見聞自確與懸揣臆度者不同冀其稍有畫策贊助萬一卽如松筠亦係朕由西藏召回擢任陝甘總督因其辦理未能妥協調任伊犁將軍又因楚省帶兵乏人令其暫署督篆因明亮等勦辦楚境賊股而松筠奏稱患病不能督戰懇請來京而陳軍務朕不得已姑允所請及至到京詢以方畧惟屢請將私鑄私鹽全行弛禁以斷不可行之事瀆奏不休然伊於軍務情形則以團練鄉勇裁撤疲兵及分路堵勦爲要尙其漠不關心毫

無主見是以僅示薄懲將伊降爲副都統職銜前往伊犁作爲領隊大臣乃諒其愚悃曲加寬貸右那彥成屢次奏對無一言確實全係一片私心初次召見時尚自認無能負罪引慝繼則毫無愧懼矢口亂道率爾而對豈竟以此等伎倆在朕前嘗試乎朕之初心未將那彥成全行斥革者原係逾格矜全望其悔罪自効亦因簡任大臣不欲輒行更易乃朕用人不得已之苦衷若大臣等不知仰體朕心必欲激朕之怒朕非不能剛斷之主也著將此旨交儀親王成親王大學士軍機大臣會同六部滿漢尚書向那彥成宣示令其明白登答由軍

機處代呈看伊有何分辨俟奏上時再降諭旨

嘉慶五年五月十七日

命革去尚書都統經筵講官花翎爲翰林院侍講奉

上諭那彥成外似有才中無把握見機遲鈍遇事狐疑不聽人言自以爲是此次軍前奏費雖有微功不能掩咎本應革職發往伊犁効力贖罪但阿桂之子孫半年之內俱行遣戍朕心實有不忍伊等縱不念乃祖乃父朕豈可不篤念老臣乎那彥成在外不能決勝千里在內不能運籌帷幄洵爲無用分宜置散投閒著革去尚書都統經筵講官花翎格外施恩用爲翰林院侍講在實

錄館効力行走八年無過方准食俸至於軍營情形較前大有起色兵精糧足帑藏充盈額勒登保等三人實能殄寇秋冬之間必可收功內外諸臣除軍機大臣外毋得干預軍務莠言煽惑違者不貸

嘉慶五年五月十七日奉

上諭工部尙書員缺著琳奎補授鑲白旗漢軍都統員缺著張承勲補授張承勲所遺正黃旗漢軍副都統員缺著那彥寶補授那彥寶係阿桂之孫其才具雖屬中平但現在阿迪斯於成都將軍任內獲咎已發伊犁効力贖罪而那彥寶又革去尙書都統用爲翰林院侍講職

分較小卽如和珅身獲重罪伊子豐紳殷德尙係固倫額駙授爲散秩大臣福康安歷任封疆簠簋不飭伊子德麟現尙承襲員勒阿桂乃勲勞舊臣其子孫轉無一二品大員朕心實有不忍是以將那彥寶擢授副都統俾資造就伊惟當感激奮勉力圖報効切勿稍存自滿以副朕眷舊施恩至意

那文毅公總統陝西軍務奏議卷四